

寄蒼廬集



趙鯨署籤

民國二年九月

共和印刷有限公司刷訂

北京琉璃廠西頭  
電話南局六十三

寄蒼樓集詩鈔卷五

鄧川 楊瓊 柿平

癸巳至丙申

勵志

老鶴沖九天老馬馳千里遂圖懷安心恐與鄉人齒年  
來向道念忽付東流水縑繭壁殘絲一抽得舊理人生  
懼自恕秋氣就衰萎伯玉古云賢知非從此始

鎮遠舟中詩紀灘名

白馬灘

涼氣初回日兩竿桃源半晌夢中看忽驚吳會濤頭馬

白到蠻溪第一灘

茅蓬茨灘

舟命全憑一纜牽  
波衝鷁首慘回旋  
驚心有似疾藜茨  
休道茅蓬坐臥便

甕子洞灘

兩道河流燕尾開  
洞天何處費疑猜  
請公入甕眞寒膽  
酷吏貪官慎勿來

清浪灘

卅里澄潭卅里灘  
磷磷亂石劇相干  
無情最是巢居子  
臥看江間行路難

節灘

無限名灘節節過灘頭上去又如何行人莫訝江濤險  
卻喜佳山看得多

大小橫絲灘

經山緯水運雄思江上文章織更奇爲恐浪花繡不密  
大橫絲又小橫絲

九節灘

柳葉桃花不足論菖蒲節節苦盤根陽候占得天生數  
九折狂波萬里奔

高麗塹灘

矍鑠將軍憶漢時  
辰沅溪上水聲嘶  
只今天塹無征戰  
漫認高麗作島夷

白面岩灘

碧潭十里映巖廊  
寫照人間淡素妝  
千古風波不垢面  
幾人粉白似何郎

江口灘

誰思一口吞江盡  
石齒獐獐尙滿江  
寄語行人過江口  
行山差勝駕輕艤

神州灘

宇內傳聞五大洲  
近時輪舶繞能週  
此來一棹蠻江上

芥子居然納九州

大小鷓鴣灘

小鷓鴣更大鷓鴣捕盡江魚種不孳  
今古許多濡翼鵝  
恣情甯憶在梁時

大小激灘

廿里石礮插江底咽鳴競作怒濤聲  
世間多少不平事  
大激何如小激鳴

惡灘

污面曾聞津號妬易心亦有水名貪  
廉泉讓水云何美  
不料人間有惡灘

碗盞灘

蠡測杯量抑太輕  
還防欹器滿斯傾  
幸余安步江干上  
七鬯須臾不受驚

黃絲滾洞灘

洞頭晒網掛黃絲  
筍嫩鰻肥佐酒卮  
正是西風行不得  
滿江白浪上灘時

倒掛金鈎灘

躡屨行行坐石頭  
關心長望上灘舟  
險中會有新奇景  
萬斛銀濤倒掛鈎

壺茨灘

春鳥鳴時春嶺長一壺美酒芙蓉香綠波醲過黔中釀  
棖觸歸心到夜郎

鷺斯巖灘

惆悵蠻江落日餘波心一點石巖孤鷺斯夜夜巖頭宿  
也識灘行險阻無

五朶花灘

黔粵交通兩水斜山脣垂載萬人家紅江咫尺分明到  
細數江心五朶花

夜夢楊雨皋有懷詩以弔之

肝膽久相照鬢毛已共斑平生幾知己世事況多難溟

月一爲別湘江長不還何堪入我夢楓落水潺潺

乙未冬聞日本事有感

厝火燄未發晏安原可憂蠢茲東海寇敢與大邦讐廟  
算籌千襪稜威震五洲北風太蕭瑟吹動滿天愁

受晉陽學正篆書示何柏溪前廣文

北風破浪渡昆湖城郭天南荻蓼蕪愧我巢鳩堪止息  
奈君梧鳳失居諸劉蕡司戶文風溢鬪穀休官愠色無  
只恨此生相見晚狂吟擊鉢夜燈孤

天女城懷古

碧雞山下唱楊枝十里荒原落日時典午中微渡江水

夜郎自大走昆池腸同漢塞木蘭斷心共明樓鐵釧知  
剩有城西千樹柏杜鵑啼咽女郎祠

晉寧四詠

四環山帶

只有長河能作帶青山何事四圍纏詩人瘦損腰支細  
恍束雲衣入座來

九曲河襟

流觴雅欲三春禊穿線猶傳九曲珠何似盤龍江水上  
開襟的朗冰壺

盤龍梵刹

金山寺下浮輪舶兩度黃昏臥聽鐘欲脫塵緣一登眺  
盤龍聞有梵王宮

望鶴仙源

桃源幾度思悠悠東去重登黃鶴樓不信仙人跨黃鶴  
飛來學士碧山頭

除夕

遠道携家至寒齋逼歲除翻思兩年別相對一檠孤楚  
驛聞喧爆黔垣看換符那期昆海涘八口此圍爐

丙申元旦

半世奔馳慣安居不自聊頽齡能幾度大隱在微僚少

事從今日重眠補昨宵晴和實休兆翹望滅天驕

送何柏溪歸甯州用東坡遊山詩韻

返黎邑自昆湖水部此去猶來無舉世莫識羲皇侶老  
矣相遇歡相呼苦爲行道離妻孥春風半載魚城娛能  
以真誠感士類古之直者無少紆歸臥南陽有草廬一  
琴一爐興不孤垂老旋鄉大幸事如鳥歸樹魚依蒲愧  
我年來勞僕夫萬里江湖愁日晡而今少息倦飛翮仍  
覺流寓非良圖與君相約蠹芸餘古人神狀夢蘧蘧反  
形直欲世外遁千載而上窮追摹

盤龍山嶺翠望鶴水環紆中有幽棲子實惟古昔徒太  
原傳胄族瀕海徙名區閶闔西宗盛絲綸北闕殊魚城  
家再世燕翼掌雙珠伯氏壘吹歇孀嫠狄畫孤芸編羞  
守蠹權算善權蚨俞奐侈張老鄉閭式介夫賊氛憑義  
邵危刼賴仁扶鸞鳳聲音朗熊羆氣象粗汲黯真慙直  
屈子薄伊湄庭裏森蒼蕙天中茂白榆我來餐苜蓿君  
乃慶桑弧彰善誰司職延年若合符嘉平幾月望更老  
悵星疏舉手偕浮白酖顏竟換朱

愁霖行

昆明之池大於斗少飲便醉不能酒那堪注水灌尺窪

傾盡天河不歇手山國不愁水漂屋祇愁塵甑挂虛牖  
今年又見白浪翻去年已痛黎民走傷哉父老爲予言  
滇多瘴疫農輟畝年年官吏招墾田易者復荒墾則否  
天恩疊下蠲逋租悍吏叫囂駭雞狗人稀土曠食仍艱  
輸卻租賦罄瓶缶十室有九無蓋藏猶幸豐年屢熟西  
我思此言長嗟吁上古耕三計餘九無三年蓄國非國  
乃今蓄無一年久只重計吏無農官三代而下治多苟  
我惟歲歲耕硯田旱潦於我乎何有然糊予口須饘粥  
能忘天下家八口霖兮霖兮爾勿再家家愁煞炊米婦  
只今尙有痛哭者莫使子遺盡填藪

徵盤龍埧水錢戲作一絕

有餽有酒足迎年差勝前時種硯田清俸居然似工部  
四千分得水衡錢

黃次高刺史贈金度歲

黼裘典郤酒樽空朔雪偏欺冷署中多感贈金添獸炭  
先生仍得恣冬烘

鄭金南廣文八十初度爲文壽之金南乃邀偕澤

生節堂養亭三廣文及郭生維周李生伯貞泛

棹溟池至金線洞觀魚

美哉金線魚出自海南洞緬彼濠梁幽時時漱清夢何

期老鄭虔壽觴開菊甕乞我南山詩酬以嘉魚供千錢  
買輕艤坐我西賓共力漿盪微颺卅里附鸞控抵洞日  
未西陰巖躋影重泊舟陟危石石罅流欲凍藻潔泉復  
清濯纓儘可用遍發梁上笥什有六七空豈如趁潢汙  
捉取魴鱖衆價值故應高難得致鳳凰酌泉溉鬻烹出  
油浮乳漣饗然飽衆腹帆掛西風動身世馴波濤簸揚  
奚所恐遄歸主人迎暮色沈如幪

陰雨獨酌讀向湖村舍詩鈔有懷趙月邨

朔風吹雨入虛廊檢閱瑤函飲興長漫欲淵源探甫白  
誰知津逮問蘇黃廿年故友殷心目一卷新詞列肺腸